

新編
作文材料精華錄

初編

中外名人法

語精華錄

分類法語精華錄

目錄

(一) 學養

(三) 經歷

(五) 決斷

(七) 心性

(九) 見識

(十一) 人材

(十三) 律己

(十五) 養生

(十七) 師友

(十九) 處世

(二) 人民

(四) 毀譽

(六) 堅忍

(八) 治事

(十) 智慮

(十二) 立身

(十四) 品概

(十六) 奮發

(十八) 自由

(二十) 用兵

(三十一) 刑賞

(三十二) 是非

(三十三) 言語

(三十四) 出處

(三十五) 勢力

(三十六) 政治

(三十七) 商業

(三十八) 教育

(三十九) 倫理

(四十) 採守

(四十一) 戒懼

(四十二) 國交

(四十三) 法律

(四十四) 貧富

學養

程明道語

學至氣質變化方是有功

顧涇凡語

學問須從狂狷起脚然後能從中行歇脚

王龍谿語

忿不止於憤怒凡嫉妒褊淺不能容物念中悻悻一些子放不過皆忿也慾不止於淫邪凡染弱蔽累念中轉轉貪戀不肯舍却皆慾也

王陽明語

凡飲食只是要養我身食了要消化若徒然蓄在肚裏便成痞了如何長得肌膚後世學者博聞多識留滯胸中皆食傷之病

也。

西儒益士陵語

資財之幸福。幸福之最下品也。身體康健之幸福。次之最上之幸福。維何。曰。心之快樂而已。

顧亭林語

恥之於人大矣。不恥惡衣惡食。而恥匹夫匹婦之不被其澤。故曰。萬物皆備於我矣。返身而誠。樂莫大焉。

和禮士語

嗚呼。汝憂悶耶。何不觀他人之境遇。其困苦有十倍於汝者耶。

楊明子

天地之大。而星辰麗焉。日月明焉。四時行焉。引類而言。不可窮也。人物之富也。草木蕃焉。禽獸羣焉。華夷分焉。引類而言之。不

可盡也。夫古之學者，殫智慮弊，精神而莫究其緒，靡晝夜極年
歲而莫究其說，析蠶絲擢牛毛而莫究其奧。

楊子

學者所以求為君子也。求而不得者有矣。夫未有不求而得之
者也。晞驥之馬，亦驥之乘也。晞顏之人，亦顏之徒也。或曰：顏徒
易乎晞之？則是曰：昔顏常晞夫子矣。正考甫常晞尹吉甫矣。公
子奚斯常晞正考甫矣。如不欲晞，則已矣。如欲晞，孰禦焉。

抱朴子

青出於藍而青於藍，染使然也。冰生於水而冷於水，寒使然也。
鏡出於金而明於金，瑩使然也。戎夷之子生而同聲，長而異語。
教使然也。山抱玉而草木潤焉，川貯珠而岸不枯焉。口納滋味
而百節肥焉，心受典誥而五性通焉。故不登峻岑，不知天之高。

不瞰深谷。不知地之厚。不游六藝。不知智之源。故吳韓質勁。非
善利而不美。越劍性利。非淬礪而不銛。人性環慧。非積學而不
成也。

抱朴子

抱朴子曰。重淵不洞地。則不能含螭龍。吐吞舟。峻山不極天。則
不能韜琳瑯。播雲雨。立德不絕俗。則不能收美聲。著厚實。執志
不絕羣。則不能臻成功。銘弘勳。

楊子

是以君子貴遷善。遷善也者。聖人之徒歟。百川學海而至於海。
邱陵學山而不至於山。是故惡夫畫也。

莊子

用志不分。乃凝於神。

中庸

或生而知之。或學而知之。或困而知之。及其知之一也。
好學近乎知。力行近乎仁。知恥近乎勇。
博學之。審問之。慎思之。明辨之。篤行之。人一能之。己百之。人十
能之。己千之。果能此道矣。雖愚必明。雖柔必強。

英諺

學問如植物。其根苦其實甘。

腓伊果拉語

世界大學校也。困苦良友師也。

哥倫頓語

得之困難。則記之永久。

英諺

智識愈淺自信愈深

倍根語

疑而能問已得智識之半



人民

西人林肯語

政府者。人民之政府也。依於人民而成立者也。為人民而設者也。

波兒克語

人民必非好亂者。人民若有暴行。是其過失耳。非其罪惡也。

科布丁語

一人之利益。與一國之利益相一致。一國之利益。與萬國之利益相一致。

埃彌遜語

欲阻維新事業者。欺天者也。猶欲激水而使上山。欲以砂而綯繩也。

擺命語

也。國家之成立。動須千百年。而不崇朝。土崩而瓦解之者。比比然也。

戔士語

問政體何種最善。曰。能使吾人自治者為最善。

西諺

主國如盲國。只有王之一身。已盲其一國之目。

國之君官。以服民役。服役之人。惟主人之意更迭之。不得據為世襲產業。

不當驚動蜂羣。不當擾亂蜂窩。

查理士沁那語

行星之運動。與洋果之墜地。雖大小迴殊。然其支配之者。一理。

而已。道德之相支配。人民亦然。無論箇人。無論社會。皆可以一原理貫之。

優士連語

一羣之利益。即個人最大之利益。

斯賓塞語

兩害相權。己輕人重。

赫胥黎語

自私之人。不猶害人。終至害己。以其為羣所不容也。

法律金言

叛祖國。猶舟人自穴其舟也。

鐵滔語

雖奴隸之人。不可忘其為同胞。

羅蘭夫人語

真正之大人物。常去私情私欲。以身獻諸同胞。其報酬則待千載之後。

韓非子

夫耕之用力也勞。而民為之者曰。可得以富也。戰之事也危。而民為之者曰。可得以貴也。今修文學者。習言談。則無耕之勞。而有富之寔。無戰之危。而有貴之尊。則人孰不為也。是以百人事智。而一人用力。事智者眾。則法敗。用力者寡。則國貧。此世之所以亂也。

管子

倉廩實而知禮節。衣食足而知榮辱。禮義廉恥。國之四維。四維不張。國乃滅亡。

老子

小國寡民。使有百什之器而不用。使民重死而不遠徙。雖有舟車。無所乘之。雖有甲兵。無所係之。使民復結繩而用之。甘其食。美其服。安其居。樂其俗。鄰國相望。雞犬之聲相聞。民至老死不相往來。

孟子

樂民之樂者。民亦樂其樂。憂民之憂者。民亦憂其憂。樂以天下。憂以天下。

孟子

孟子曰。以佚道使民。雖勞不怨。以生道殺民。雖死不怨殺者。

伊尹曰。天之生此民也。使先知覺後知。使先覺覺後覺也。予天民之先覺者也。予將以斯道覺斯民也。非予覺之而誰也。



經歷

曾文正語

吾自信亦篤實人。只為閱歷世途。飽更事變。畧參些機權作用。把自家學壞了。實則作用萬不如人。徒惹人笑。教人懷憾。何益之有。近日憂居猛省。一味向平實處用心。將自家篤實的本質。還我真面。復我固有。

約翰遜語

不遇艱難。不知己之力。

朱晦庵語

人之失敗。非天之磨鍊英雄。使之大有長進乎。諺云。吃一塹。長一智。吾生平長進。全在受挫辱之時。務須咬牙厲志。蓄其氣。而長其智。切不可忤然自餒也。